

九

梅

村

詩

集

九梅村詩集卷二

鐵嶺魏燮均公隱甫編

硯耕集

己亥至辛丑

宛平劉杞松雲選訂

清明

轉眼清明至開門又奈何杏花村店少麥飯野墳多愁
極招人話詩狂對酒歌從來好時節強半客中過

讀小倉山房詩鈔

才華筆氣兩縱橫不學香山格自成絕代經綸甘小隱
一生風骨重多情及時能享休官樂未死先垂沒世名
我讀公詩最相憶每當開卷若逢迎

題隨園女弟子金纖纖瘦吟樓詩卷

果擅金閨咏絮名
女兒真個也聰明
裙釵底事多仙骨
風雅公然屬性情
難得騷人稱快婿

謂陳竹士秀才

自應才子

是先生披詩坐向花間讀國色天香每憶卿

瘦吟樓草著芳名百首珠璣照眼明
生本工愁偏善病
性因絕慧自多情
惜無列傳逢劉向
應有傳經受伏生
我是男兒少才調
自慚風骨不如卿

村夕

墟里夕陽落蒼茫
暮色昏亂鴉歸野
寺荒犬吠孤村風
怒樹齊吼雲忙月
亦奔幾家上燈火
猶未掩柴門

對月有懷

明月何皎潔徘徊出雲端眾星淡無色千里同虛寒滅
燭下簾幕啟戶傍徨觀清輝照游子弔我形影單佳人
各一方不得結良歡山川修且阻兩地生愁歎昔爲比
翼鳥今作孤飛翰尺書不可得雙楫歸獨難對此惆悵
立綠綺誰能彈廣古別離歌涕下雙闌干

過山村

雞聲聽隱隱過嶺見人家夾岸種楊柳滿村開杏花煙
飛茅舍矮風颺酒帘斜欲作沽春計匆匆未駐車

無題

曾記仙源一泛舟。碧桃花下繫紅騶。芙蓉曉靨鴛鴦帳。
楊柳春深翡翠樓。雲鎖珠簾風乍靜。香銷寶鴨雨初收。
而今流水無尋處。空使漁郎鎮日愁。

采蓮曲

采蓮復采蓮。采蓮生相思。郎蹤似萍葉。妾心如藕絲。
采蓮不采葉。留葉覆鴛鴦。翻恐驚飛去。雙雙離野塘。
蓮花嬌似郎。殊勝妾顏色。愛郎如愛花生小。卽相識。
郎道妾顏好。與花同冶容。底事相憐惜。舍花偏看儂。
蓮房墜粉紅。房空賸蓮子。蓮子多苦心。妾意亦如此。

野村

一徑入平野數家成小村牆陰聚童稚樹底散雞豚
灌圃引溪水編籬留柵門那知遠城郭尙見古風存

七夕絕句

銀潢有路鵲橋橫約略相逢話別情惹得嬌癡小兒女

豆棚瓜架聽啼聲

世俗令童男女立瓜
壺架下聽牛女哭聲

莫道盈盈隔絳河一年猶得一回過閨中少婦天涯客
畢竟人間濶別多

經年一別亦相思轉瞬來年又此時倘把參商作夫婦
千秋安望得佳期

自陳瓜果供雙星酌酒焚香拜戶庭不學汾陽求福壽

九梅村詩集

卷二

三

但求離別莫長經

秋夕雜興

庭院黃昏蝙蝠飛
晚涼吹上芰荷衣
橫琴獨坐渾無語
高捲疎簾待燕歸

煙消風靜月初明
秋滿荒園夜氣清
不畏芒鞋濕行露
豆花籬畔聽蟲聲

晚鴉棲穩綠槐深
聽罷鄰家隔壁砧
爭撲流螢試羅扇
女郎齊笑出花陰

燈影蒼蒼別院幽
兒童拍手唱新秋
一聲橫笛忽吹起
何處相思人倚樓

繩床枕簟冷如冰，卧看微雲淡幾層。
夜久小窗猶未掩，秋蟲飛上讀書燈。

雨後晚坐有懷

雨過柴門送晚涼，披襟移榻坐垂堂。
草根蟲語逢秋出，池上蛙聲入夜長。
壯志枉教談劍術，窮途難說仗文章。
孤懷蕭索渾無味，又向天涯念故鄉。

自蓮浦村晚歸

出村逢薄暮，仍覓舊途歸。
水鳥避人立，秋蟲隨馬飛。
野煙沉遠樹，山氣失殘暉。
漸喜吾廬近，蓬門未掩扉。

秋日與王矩園游龍首兼懷王蕉園

勝地三年別相招續舊游山川全改色我輩復尋秋出
郭見田圃攀崖看邑樓一條幽徑熟直達上峯頭
攝衣度石磴數步憩還行老樹古於寺秋山高過城水
流平野曲雲散遠天晴翹首東南望羣峯疊翠橫

小憩到方丈依稀似舊時遇僧還問法呈佛又題詩渴
啜松間茗閑敲石上棋坐消塵世慮不覺夕陽移

斯地故人去星霜幾度過風流不可接今日悵如何遼
海孤帆遠空山落木多年來游眺者誰復發悲歌

送別袁甘泉布衣

名嘉散樂亭
人工書善畫

人生如明月缺久復圓團圓不多時欲別難爲歡天

明登前途曉雲生
崇巒秋風送歸雁
風悲聲亦酸
置琴歧路間
愁聽不能彈

客夜獨坐

空館寂無伴
秋燈相向親
一杯寒夜酒
孤榻異鄉人
謀祿愧才拙
別家傷命貧
愁懷消不得
醉卧達明晨

旅夜憶舍弟

千里雁行斷
天涯旅夜同
田園一揮手
兄弟各飄蓬
地濶蹤無定
人稀信不通
相思倍淒絕
灑淚對燈紅

送友人歸北平

西風吹落木
迢遞送歸程
橫笛數聲起
孤鴻千里征
亂

山園故郡別路入邊城他日長安道尋君過北平

訪張亦蘇先生

文海

地僻不曾到初尋仲蔚園逢人問歧路策馬過山村犬
吠斷籬畔雞鳴秋樹根遙聞讀書處落葉打柴門

塞上夢舍弟

思深轉成夢乍見各開顏一笑問奚自言從南國還相
依憐骨肉久別悵鄉關數語忽分失悲歡頃刻間

貧家

窮到艱難日傷哉喚奈何債嚴求割產稅酷患催科衣
食全家缺冰霜老屋多年年當歲暮愁絕盼冬過

草堂夜咏

屋角月初落繁星映草堂布衾涼似鐵紙牖白成霜爐
爇僮煨酒燈昏鼠盜糧消寒了無計醉入黑甜鄉

庚子

閑居遣興

獨掩蓬門作腐儒免爭名利效奔趨破籬重補添荆棘
老屋新苫用葦蘆栽數種花爲活計寫三頁字算工夫
閑居防有詩朋至預辦床頭酒一壺

漁家七首

水國生涯寄釣船雨蓑煙笠自年年全家賴此供衣食

省得耕桑納稅錢

細雨斜風煙水村得魚歡喜便開樽呼兒莫向遠沽去
近有酒家相對門

幾個漁兒狎水游舍南舍北捉羣鷗剛過午飯又呼去
偷向柳陰來弄舟

漁翁漁婦結良姻兩個親家近比鄰有女待歸郎待娶
商量婚嫁在明春

尊羹菰米勝桑麻客到還將酒債賒佐飲尋常無市味
現從筇簷捉魚蝦

紅樹青山對岸橫放船爭趁夕陽晴大家收網渾無事

短笛吹來唱月明

不關榮辱不憂貧占斷煙波自在身信是桃源真樂地
此生安得作漁人

游仙歎

瓊樓玉宇隔諸天枉說飛昇有術傳一點凡心終未了
被他耽擱不成仙

從來俗骨療難銷一墮紅塵網莫跳爭及淮南舊雞犬
也偷舐鼎上雲霄

引他劉阮入天台難得胡麻喫一回若不思鄉亦仙去
奈何采藥又歸來

蕭郎夫婦世人稀一去秦樓便不歸使我吹簫有仙偶
也應同跨鳳凰飛

徒說延年飲桂漿自知無分白雲鄉笑他仙骨猶慳吝
一粒金丹不許嘗

春閨詞

翠樓百尺望迢迢南浦春痕上柳條記得去年與郎別
落花飛絮滿紅橋

金爐香爇午初醒渴飲龍團半盞馨懶得吟詩寄春恨
閉門閑坐讀心經

自理雲鬟對鏡臺捲簾新燕忽飛來侍兒檐下調鸚鵡

報道海棠花又開

曉鶯啼散日高時
春夢惺忪起尙遲
小婢無愁偏慧黠
背人偷學畫雙眉

尋常不戴舊花鈿
況是新晴驟暖天
欲換羅衣猶怯冷
看人花外打鞦韆

暮春野游

出郭尋詩忘路遙
平原得得馬蹄驕
野雲帶雨不歸壑
春水漲溪初沒橋
柳葉綠勻眉展細
杏花紅淺靨含嬌
流鶯啼罷斑鳩喚
爲報田家播穀朝

過山村

路轉亂峯盡悠然見小村地高窗易曙山近屋先昏人
語桑柘巷雞啼籬柵門終年塵事少車馬不聞喧

田家夕望

斜日隱西山炊煙上喬木野老倚柴門翹首望僮僕家
人具晚餐薺麥烹已熟鄰翁種蔬歸荷鋤下巖麓鳥雀
爭樹喧雞豚傍籬宿閭巷寂無人新月生茅屋

長夏村居雜興

村居無事頗從容枕簟初迴午夢濃幾片白雲天際幻
攜兒閒立看奇峯

豇豆花開紫滿籬土蜂穴壁作房時東鄰燕巧西家拙

各認新巢自哺兒

鋤瓜引蔓趁籬笆
草護籬根小徑斜
怪有女郎新履跡
詰朝知採鳳仙花

小園煙氣散朝暉
飯後閒行露已稀
白蝶太癡紅蝶狡
避人花下後先飛

灌罷蔬畦剪草萊
柴門掃向柳陰開
天街聽得聲聲喚
幾個賣瓜人又來

小村酷熱日如年
傍午家家餉郭田
人枕蓑衣牛繫樹
乘涼都卧柳陰邊

斗室昏膏不敢焚
苦無紗帳避飢蟲
茅檐日落飛成陣

燒得濃煙艾火薰

一鉤新月破昏黃
簷際微風散晚涼
兒女雜隨翁媪集
庭前露坐說家常

山行

岩壑互迎送
紆迴石徑長
澗深容積雨
山缺放斜陽
人向樹頭出
馬穿雲腳忙
俯看有煙火
村落滿平岡

野外秋行

緩尋荒徑去
新霽喜無塵
秋樹老於叟
野花高過人
村煙林外盡
山色雨餘真
遙聽漁歌發
扁舟在水濱

登塞上諸峯望故園

下馬登層巘盤迴石道通滿山啼野鳥一路響秋蟲打
帽林閒葉吹衣谷口風雲端翹首望鄉國夕陽東

幽居卽事

門掩青山裏園臨綠水坳曉鴉猶戀樹秋燕已分巢酒
榼招鄰酌棋枰待客敲余生悅棲隱疏懶漫相嘲

村居日暮

幾家煙火起薄暮掃蓬門秋草碧前渡夕陽紅半村滿
林喧鳥雀比戶斂雞豚漸漸山光暝初看月一痕

過掉龍灣題藕鄉主人壁

碧溪灣裏柳陰斜容得茅廬住一家我向閑門訪秋色

野風開徧白蓮花

一蓑一笠水雲鄉
幾代生涯託野航
收拾釣竿還補網
全家兒女作漁郎

幾枝柔櫓盪斜暉
驚起煙波白鷺飛
次第歌聲齊到岸
採菱人共打魚歸

紅蓼青蒲映野蹊
小窗終日水禽啼
渡頭一縷炊煙起
更有人家在水西

休向桃源訪隱淪
此鄉清絕便無塵
何時也構三間屋
紅藕香中作比鄰

九日塞上登高

風高日淨耿秋光
塞上登臨望渺茫
曠野人煙連大漠
遠天山色下平荒
雲收極浦家何處
霜打疎林雁幾行
嗟我年年爲異客
自題詩句過重陽

秋日漫興

畏寒先自著秋衣
攜取壺觴坐翠微
落葉有情隨水去
曉風無力送雲飛
幾家砧杵人還戍
百處樓臺燕早歸
回首鄉山盡搖落
醉吟秋興惜芳菲

題王叟溪上秋居

清溪曲折護籬門
坐對西風倒酒樽
帶雨暮雲低過嶺
退潮秋水半圍村
一篙艇泛來漁父
十畝田收長稻孫

正是題詩紀風景採菱歌罷又黃昏

寄憶

魂魄曾招月下琴東風一別悵於今枉拋珠顆三生淚
徒有靈犀一點心仙返層城青鳥絕鶴歸閬苑白雲深
嫦娥畢竟無消息碧海青天何處尋

辛丑

題何陋軒

破屋三椽草一庭僑居自愧德非馨野雲拂樹朝來白
山色當門雨後青閒愛種花翻菊譜渴將煮茗考茶經
狂吟莫漫題詩句滿壁還書陋室銘

溪上絕句

柳煙如縠草如茵日暖風和水畔春
兩岸歌聲聽不絕沿溪都是打魚人

也隨弄櫂泛中流卻向漁翁借釣舟
十里煙波平似鏡穩看山色坐船頭

絕佳風味似江鄉酒美魚肥勸客嘗
鷗鷺與人相見慣不驚飛散水中央

橋邊煙火夕陽低漸次船歸到岸齊
同住一條門巷好漁家東向酒家西

喜蕉園再游遶左

故人突然至魂夢亦難猜
風雨幾年別山川千里來
客顏新病損鄉語舊音回
尙幸臨青鏡相看髮未摧

孤館正岑寂翻然慰遠思
不詢行路日先問別家時
提榼且沽酒剪燈同看詩
還謀訂遺集意與古人期

謀訂乘
遺集

谷口隱者山齋

斯地絕塵土終年車馬稀
溪深容水入山峭碍雲飛
荒徑到崖斷殘陽依樹微
幽人知未返松下敞雙扉

雨後散步

山郭初經雨郊原淨洗塵
水深橋沒春雲合樹藏身
辟語喧林鳥歡聲動野人
陌頭看耕耨百穀盡懷新

村居晚步

豆籬桑徑欲黃昏飯後閑行未掩門
月出漸高隄畔樹煙浮猶暗水邊村
犬驚客過遙還吠鴉選巢棲定不喧
忽聽鄰家喚兒女晚餐燈下熟蒸豚

野望旅思

夕日下平楚秋光澄且鮮
村煙青戀樹野水白分田
天遠雁行沒林昏鴉陣圓
游人獨凝眺歸思正茫然

秋日游某氏小園

小園荒草徧曳履獨來時
敗葉下秋樹寒花開廢籬
鴿雛行選徑魚子出浮池
頗悟天機妙沉吟已得詩

夜望

庭院黑無月開門河漢澄近聞鄰舍笛遠見別村燈池
映星疑墜風呼樹欲磨不嫌秋氣厲還向短籬凭

感遇

飢寒復徭役常使壯心驚家累愁婚嫁年荒怕戰征無
才能濟世有計拙謀生自愧清貧裏無由報聖明

吳棫澥先生四首

西風吹夢綠雲窩忽聽游仙喚奈何強自吞聲還忌哭

偶然得信轉疑訛

先生六月歿八月始聞訃

詩因脫日閒猶補病怕

經年老更多不料卽今成永訣令人翹首淚滂沱

忍從香火說前因憶領清風僅四春垂死病中猶問我

最知音裏不多人米顛書畫全封篋陶令琴樽已覆塵

重展先生墨蘭草淒風冷雨倍傷神

余藏先生墨蘭數幅

老去情懷獨慘然傷心也自說重泉年來故友多爲鬼

謂金鑿坡進士王義門刺史沈秋嵐明經諸君相繼謝世

病裏新詩尙問仙

余輯眾仙乩詠

錄先生病中猶索覽之

解組不貪官祿養

先生官助教已乞休數年矣

著書還

望子孫傳名山難再瞻顏色魂夢猶期兜率天

難尋陶謝舊風流誰賦招魂品石樓

樓爲先生游憩之所

好客不

緣貧卽謝苦吟直到死方休愛才已老猶如命得酒無

多且慰愁

先生畫蘭得費卽以貰酒

夢鶴軒中有遺草不堪重讀對

殘秋

余向錄存夢鶴軒詩鈔五十首

夜行

夜暝路已迷行不辨高低村遠野人唱林昏鬼鳥啼
佛燈明古寺漁火逗前溪驚起霜鴻宿倉皇過大隄

秋眺書懷

蕭條秋氣森衣薄怯登臨風疾塞雲壤雨多潭水深
荒邊飛斷雁窮巷響孤砧眺遠起歸思誰知游子心

秋夜憶故人

秋風吹破屋竟夕冷於冰葉墮荒庭樹花殘野館燈
身孤兼作僕客久轉疑僧獨夜披詩坐蕭然念舊朋

暮秋途中作

風色慘蕭蕭長途馬去驕
村貧顏古寺路斷補荒橋
淺水冰先合疎林葉尚飄
臨歧正惆悵翻喜遇歸樵

九梅村詩集卷三

硯耕集

壬寅
癸卯

宛平劉

開原道中

南雁北飛日
旅游初遠行
春風吹野水
夕照滿邊城
引馬尋山徑
逢人問地名
途長覺衣薄
愁絕晚寒生

送孫雨畦

適歸海南
山左萊陽人
年少工詩

掉臂風塵去
征人不可留
亂山迎遠客
大海送孤舟
月冷吟詩社
雲分賣酒樓
淒涼驛亭樹
極目不勝愁

午睡初起偶成

疏懶真如中酒情。夢迴枕上。午初晴。歸雲帶雨。四五點。啼鳥喚人。三兩聲。處處所。茅苫野屋。家家炊黍餉春耕。邇來頗覺。心懷逸。不問塵勞。利與名。

郊外寓目

久不出門望。偶來原上游。眾山分野立。一水背村流。鳥喚林閒客。人驅隴畔牛。況經新雨後。麥氣滿平疇。

途中卽景

布穀叫阡陌。催耕近午天。犬隨田婦。饁牛伴野人。眠淺水積春雨。晴林含翠煙。貪看屢回首。勒馬立前川。

客齋遣興

卽享此清福還應數世修吟成終日苦窮到幾時休計
拙宜安命情多易動愁眼前春又暮莫上仲宣樓

初夏漫吟

風定啟疎牖呼僮拂案塵林喧鴉哺子簷靜鴿窺人草
淺初迎夏花稀已過春閑情復無賴漉酒脫陶巾

過寒坡嶺題壁

百里陪都路征驂獨策時劈山通古道背嶺建新祠曉
雨眾峯過晴雲高殿移風塵多少客誰復解題詩

村外閑步

睡起披襟緩步行午風微動雨初晴遠山忽沒野雲落

小艇漸高溪水生
草帶泥痕知馬過
禾齊笠影有人耕
柳陰深處堪消暑
坐到斜陽聽鳥鳴

溪上

日落無人渡扁舟
野水橫岸昏收樹
影灘遠送溪聲漁
父見相語沙禽飛
且鳴前山隱蒼翠
新月一鉤生

過山莊題壁

數里入空谷泉聲
隱隱聞峯離當路
合村斷被溪分山
犬吠深樹野人耕
宿雲何年遁邱壑
鸞鶴結同羣

長夏睡起書事

蠅擾不成睡起來
移槐陰清風灑然
至吹我羅衣襟於

茲安竹榻殊勝茅屋深既無人囂雜又無暑氣侵蕭然
清涼中恰好眠瑤琴枝頭眾鳥寂葉底孤蟬吟蟬吟弄
逸響清我魂夢心醒來日移晷苦茗烹還斟高詠消夏
詩輕彈流水音流水既繁曲知音何處尋

喜雨

好雨不暴施點點浸入地通宵復達晨過午尙未霽雲
陰密更低土渴飲如醉出村看禾黍勃然懷新意無分
高下田膏澤已均被大慰老農望歡喜不遑寐一雨抵
萬金徧向閭閻賜譬如餓乞兒暴富立時至從此免飢
寒溫飽快其志方知造物心薄旱偶爲戲終竟憫羣生

不忍使憔悴沾酒延鄉鄰歡飲慶豐歲

立秋後同白雲道士登龍尾山卽贈王氏兄弟

羣峯迢遞赴川流著屐相隨羽客游近塞河聲通故國
遠天山色入新秋雲端梵寂尋僧寺柳外歌飛送客舟
安得閑身追勝踐與君長嘯託林邱

夕陰

斜日隱林皋炊煙散村塢涼雲聚不飛留待夜來雨

卽景

石徑蒼蒼轉薜蘿夕陽滿地忽聞歌前溪水長二三尺
一個牧童騎犢過

燕

穿花來往定巢頻
拋卻烏衣故國春
薄命可憐儂與汝
年年到處總依人

夜起小步南園

中宵偶眠起蟋蟀
虛堂鳴窗色皎如曙
庭月光初生攬
衣啟門望河漢
西南傾微雲淡無跡
星斗參差橫獨步
向南園草露霑衣
清流螢度復止宿
鳥棲還驚悄然拂
石坐側聽流水
聲流水響終夜滌
盡塵俗情

秋夕值雨

閉門寂寂掩荒苔
聽罷鐘聲晚寺催
夜氣暝兼雲氣合

秋聲涼帶雨聲來孤燈竟夕依人黯短笛誰家隔浦哀
鄉夢不成詩思動忍寒危坐進螺杯

送甘泉之吉林

千里去家遠孤鴻還北征渡江秋水落出塞亂山晴荒
磧客中路邊風詩裏聲前途莫惆悵知有故人迎

效選體寄王蕉園六章

杪秋何颯爽肅氣盈蒼穹浮雲不爲雨朝暮馳西東嗟
我懷故人憂心以忡忡茲當遠離別辭根爲飄蓬嘉會
不可得相思靡始終徘徊陟崇岡庶以曠其衷寒林隱
斜日衰草鳴悲風翹首望故鄉引領送飛鴻鴻飛不能

返尺翰何由通抑鬱內傷心涕下吁長空

良時不再得百年成剎那人生會有涯相聚能幾何況
復各異郡迢遙阻關河胡馬嘶北風越鳥依南柯一旦
快良覲千里疲奔波方思共娛樂斗酒晨夕過胡爲鴛
與鶩比翼分飛多樛木縈葛藟松柏施女蘿物生各相
慰誰復堪蹉跎請爲吾子吟慷慨託絃歌

蟋蟀鳴虛堂凜凜歲云暮游子念故鄉掉頭不復顧伯
牙歎操琴長卿悲獻賦知己一何稀焉得巨室慕君如
齊紈扇我如玉階樹涼飈旦夕來恩情絕中路所遇同
感傷亟效三窟兔

幽蘭在空谷瓊芝生蓬島采采不及時芳英徒傷老占
人愛春華視金非所寶所以秉燭游行樂恐不早嗟我
與之子韶景同潦倒斂轡洛陽街裹足長安道況非仙
人儔焉能永壽考感此彌歆歔何以慰懷抱

古人不可見所見惟其書書傳不能朽榮名與之俱懷
志頗有年酷歎才華疏編詩雖成帙皆拾古人餘偶然
關新義濁水獲珍珠珠獲不盈掬差足羞庸儒持此授
子孫遠勝田與廬歷歷守此志未敢忘斯須寄語同心
人珍惜隙中駒

蒼蒼嶺上松結根磐石固霜雪不能摧
薦蘿爭相附人

生宇宙間何爲守寒素歲月不我假倏爾桑榆暮王粲
乃依人魏勃貧如故迢迢要路津策足不堪渡所羞誤
拂絃肯邀周郎顧坐此常坎壈亦弗翼知遇竊願同修
德莫被虛榮誤

病起自遣

閑居苦寥落況是病新瘥遇客談詩少看書下酒多峭
風鳴砌草微雪壓庭柯桂萼秋光逝孤懷託詠歌

擬涉江采芙蓉

芙蓉生江渚容華耀朝陽及時采爲佩常恐零秋霜
衰念游子歲月淹他鄉青春逝不返感此多悲傷

擬明月何皎皎

浮雲斂河漢促織中宵鳴月華耿庭戶散彩流淒清感
遇發悲歎百憂中懷生涼颼入羅幕悵然思遠行伊人
不可覩何以釋衷情

擬去者日以疎

來日不可知去日不可留生雖處華屋死同歸山邱重
泉無返路誰復論公侯黃金棄如土陰風徒颼颼胡爲
形役人營營多所求

擬生年不滿百

百歲不可得千歲憂何爲胡不放高懷曠達及良時有

瑟且日鼓有酒且日斟人生重行樂富貴何須尋
緬彼采薇人高風終古今

效選體送裴少尉移任甯遠

歲暮北風厲慘冽冰雪欺何以當苦寒乃爲君別時
聖朝重良吏善政遷擢之士元非百里行謝官階卑
瓜期漸以促捧檄從此辭兒童提壺漿父老餞路歧
膏車難滯留攀轅徒涕洟倏爾晨風發吹送天一涯
君子不可護羣誦甘棠詩諒彼惻癯民引領如渴飢

征塵杳不見翹首登崇岡徘徊且淹留落日照河梁
河梁悲風至千里雲飛揚黃鵠一高舉鴻鴈哀獨翔
清歌

徒激烈中情良可傷不愁會面少所悲道路長使君況
不返何以釋衷腸期爲單父宰鳴琴坐高堂下慰故人
意上昭邦家光

送蕉園歸高密

臨歧不忍淚頻揮又送王孫遠道歸此別更深前度慘
再來翻恐故人非兩年行李添詩草一月征塵上客衣
莫道雲山千里隔夢魂還向海南飛

雪後眺望

開門逢雪霽四望白漫漫山色積高素野光生遠寒行
人出林表飛鳥入雲端世界銀沙裏青松獨耐看

風色生峭冷吹衣如紙飄遠村微辨樹荒徑始通橋酒
侶白相過詩朋誰見招梅花故園發惆悵憶今朝

全不辨高下溪山一帶平寒煙生古渡白日澹邊城鷺
立灘無影人來屨有聲誰家小游獵歸負野禽行
回矚舊茅舍猶餘夕照斜一村喧凍雀幾樹落寒鴉野
步約三里晚炊過數家歸來擁爐坐自煖且烹茶

瀋陽道中早發

荒雞歷亂唱曙色漸蒼然殘月墮於地明星高在天官
途多積雪旅舍有炊煙不避衝寒苦勞生逐客鞭

冬日閑居雜興

無事寂然坐防寒閉戶宜情多惟念舊興到偶成詩雪
重茅簷壓風嚴紙閣吹冬陽漸次短倏忽易昏時

人語深宵絕窗寒霜氣凝爐留通夜火膏續向晨燈苦
茗濃於酒孤衾冷似冰攤書不能寐心似玉壺澄

晨雀噪簷際荒雞猶亂鳴寒城收柝響凍道走車聲旭
日烘微暖炊煙熟漸輕出門值鄰叟相與說冬晴

野趣蕭然甚尋詩獨往還村孤鄰野寺門靜對寒山雲
外鳥初倦鐘餘僧更閒吾生亦疎嬾世事復何關

田家場圃畢農隙此時餘獵藪驅寒雉穿冰取凍魚朔
風生野樹斜日上村墟余本無營者還歸讀我書

癸卯

暮春吳仲培

相

孝廉載酒邀廣文趙海門先生竝

招袁甘泉布衣王矩園張枚齋

簡

兩茂才商文

瀾

廣源

教習趙翊扉趙尙之兄弟與余共九人

登龍首山看杏花同集慈清寺暢飲醉後率題

僧壁

先生名文涌易水人司鐸吾邑

吳子攜榼登龍首爲看杏花招賓友我本龍華會上人

亦從列子御風走

是日大風

春風似解我輩游一夜吹放山

前後早來三日尙未開今朝儼入花之藪羣花狂喜若

逢迎樹樹精神齊抖擻不教名花笑人俗纔算韶光不

孤負海門先生意氣豪大呼主人快羅酒對此可傾千
百杯人生行樂況難久少長排筵集僧廊拇戰歡呼酌
大斗不管花前醉且顛但願樽中旨且有甘泉平生不
善飲亦復奪杯不放手笑呼花神助我來此酒莫輸他
人口連飛數十觥已酣跣腳狂歌忘其醜我辭觴政託
逃禪來卧花下聽風吼風吹花香酒亦醒迴視諸君醉
某某金谷罰由后季倫玉山頽倒淵明叟
海門已醉主人猶爲進酒
放誕直追竹林七風流恰符香山九可知人生會合緣
一觴一詠都非偶俯仰江山成古今誰是登臨名不朽
我今雖在少年場花開花落倏黃耆不識此後數千幾百

年有誰知我把酒看花否

溪上曉望

夜雨溪水生迴風送漁艇曉雲飛不高平沒西山頂

題李榮林

農華

秀才小圃四章

買田青山下結廬青山陲惟此田與廬念是先人遺背
廬有隙地數畝開園基當茲季春日好雨及我私種蔬
百餘隴種韭十餘畦鑿井備時旱灌溉能使滋每呼子
姪輩有暇輒耘耔縱歉脫粟餐亦足飽我飢依牆植榆
柳樹大陰垂垂春風散淑氣好鳥鳴高枝主人攜酒來
坐聽還歌詩不效於陵子寂寞徒苦爲

盛夏草怒長草盛菜苗疏近因雨水多畦隴皆荒蕪力
田有餘暇乃揮園中鋤耒秧經雨新滋蔓開花初家人
畏雞啄時喚稚子驅瓜瓠日以長可以登盤盂親友偶
然至但謀酒一壺勿須市兼味薦我新畦蔬客喜問園
圃把酒談農書歡言五月小瓜茄食有餘

諺云五月小
瓜茄喫不了

今年況閏月菜品尤所需我亦欲學圃歸結田中廬
種桑不養蠶入夏陰扶疎小兒食甚甘輒來樹下呼畦
頭有餘地栽花紅白殊弱女抱弟來坐戲花陰敷枝間
撲蛺蝶草上捉蜘蛛薰風散炎暑乃至麥秋初用地作
場圃斬草十弓餘牆下麻長成刈之種秋蔬蔬種不可

晚乘此土如酥鄰翁植杖來談笑忘形軀且授種蔬法
能早登秋廚主人用筆記待著灌園書

涼秋八九月零霜損百草豆花開已殘瓜蓴熟且老紛
紛木葉飛滿園黃不掃尙存韭數畦綠伴晚菰好寒翠
摘可餐用佐嘗新稻旨蓄復御冬妻子得充飽食力賴
勤動終歲等傭保歲晚當務閒壺觴足潦倒明年春雨
時莫忘種蔬早

同李榮林謁周蓮叟師山齋

策馬入岩谷偕行道里賒河聲隨岸轉村勢趁山斜深
巷聞雞犬平原種麥麻綠陰有茅屋知是讀書家

獨居遣興

獨處得幽趣吟懷總未拋
階晴惟蝶戲門靜少人敲
病葉先辭樹飢禽屢出巢
秋來長慵癖終日伏衡茅

晚晴閑眺

天末碧雲橫晚晴燒盡紅
亂流明夕照衰葉響秋風
影沒遠天鳥聲稀寒野蟲
蒼涼動詩思獨立小橋東

秋山晴望

遠空雲斂耿晴暉自著芒
屨上翠微山色碧通天
外盡村煙青到水邊稀
關河處處聞征鴈枯杵
家家聽搗衣正是秋心無
着處又看黃葉繞人飛

山齋秋夕

秋氣滿岩谷移床坐晚晴微雲妨月色亂石碍泉聲逸
客正孤寂幽禽時一鳴吟成覺涼意白露兩階生

秋居薄暮

獨醉復獨醒閑門晝亦扃幽蟲吟壞壁飢鳥下空庭落
日樹間赤秋山牆外青憑軒聊寓興且著養心經

園齋獨酌

軒戶頗幽敞小園依碧岑牆頭騎樹影屋背負山陰庭
僻滋秋蘚池涼浴晚禽叩門無俗客置酒獨高吟

秋夜村外散步

草徑蟲聲出涼天引步尋秋煙林下寺夜月水邊砧犬
吠迎村路僧歸下嶺陰迢迢更南望城郭隱深深

晚涼書懷

暫息晚涼讀援琴時一鳴微風欺樹弱孤月奪星明萬
事有衰謝百年多變更何須役名利徒自苦浮生

再至川上

逶迤訪晴川出村又數里依然綠岸行寒潮落盈咫尺
畔風生衣漸覺涼侵髓熟鷗驚不飛輕舟去如駛中流
不見人但聞歌聲起無楫不可渡徘徊行且止前隄覓
舊磯蘆花映秋水漁翁不得魚獨坐斜陽裏

早起送甘泉

未明卽辭別相送轉淒然月影侵高樹鴉聲亂曙天秋
風城外路野水渡頭船去去猶延望村鄰起曉煙

書張秋潭貧狀

見說清貧況年來甌石無家難役僮僕身止剩妻孥傲
骨猶凌物酸風不改儒依然好行樂得酒且歌呼
不爨動連日蕭然環堵中寒愁衣絮敗貧到酒錢空舊
畫積盈篋新抄詩滿筒可憐張仲蔚困頓在蒿蓬

塞上秋望

秋風生古原慘澹望邊門落日在寒草晚煙依遠村平

沙羣鴈下孤樹亂鴉喧極目荒涼意堪銷客子魂

秋暮歸思

獨倚柴門外長空來遠鴻暮雲迎落日敗葉聚迴風樹
暝煙棲鳥階寒露咽蟲秋深衣未授歸興幾人同

野行卽事

取徑疎林下秋光老欲皺高枝分集鳥落葉亂隨人野
圃收新稼山村有積薪那知編戶裏饑饉正多貧

早寒咏懷

庭槐霜飽葉全稀刀尺初停未授衣廢圃秋深花已盡
閨年寒早雪先飛客懷未老疎還懶詩骨因貧瘦不肥

安得無憂家室累閑居作賦掩蓬扉

趙海門先生招飲賞菊

日對秋容懶獨看西風恐損菊英殘
開樽招得詩人賞不教黃花笑冷官

絳紅粉白間黃金朵朵如盤葉葉深
真得剪裁培養法愛花心似愛才心

未及殘英點翠苔最宜酣飲玉山頽
早知開得花如許悔不重陽載酒來

不共羣花倚玉欄傲霜獨耐九秋寒
自憐瘦骨無人賞多賴先生老眼看

冬夜

人語四鄰寂此時心息幾書聲風靜遠燈火夜深微庭
白雪猶積天寒星更稀荒齋苦吟客高卧掩重扉

同吳曉山

和

袁甘泉登龍首望雪

石磴風號雪意闌共揩冷眼望漫漫曉晴大野千峯白
夕照孤城萬瓦寒人跡踏開冰渡口鐘聲凍住嶺雲端
老僧獨掩山門卧嚼取梅花度歲殘

除夕

終歲苦奔走此宵稍得安但看稚子樂且博老親歡白
屋光陰速青氈事業寒一年過又盡太息送窮難

繞燈嬉不寐兒女候分錢守歲坐終夜迎神辭舊年人
多宜吉語門已換新聯我奉屠蘇酒高堂祝壽延

九梅村詩集卷四

鐵嶺魏燮均公隱甫編

硯耕集

甲辰至庚戌
種蓮集附

宛平劉 杞松雲選訂

曉起書事

昨夜雨微過苔痕斷砌交簷蛛猶在網梁燕已離巢海
日生崖畔鄰煙出樹梢故人適招飲門外有僮敲

題甘泉柳陰待渡圖

故人家傍釣魚磯綠柳陰中白板扉欲渡喚船船不應
等他船送別人歸

龍首雜詠

山僧高閣眠山鳥喧林側曉起徧開窗坐看溪山色
樓閣半藏見山城在有無空濛煙雨裏一幅米家圖
夕煙起遠山斜日下層閣昏黃微月生鐘聲動城郭
夜寂松籟微山空人語絕清磬兩三聲佛燈半明滅
門前秋氣高牆外雲峰疊新霜昨夜來滿山看紅葉
凜烈北風晴凍鴉飛不起山徑悄無人萬峰寒雪裏

哭周蓮叟夫子

易簣垂危日驚聞匹馬馳未看殘息絕徒失哭聲悲老
輩典型墜斯文風雅衰雖然啓手足瞑目那能知
昨來視寢牀病劇亦神傷見我先垂淚延醫且問方任

兒籌後事戀母在高堂惟此關心甚重泉合斷腸

及門十餘載愛我勝諸兒入塾無修脯傳經獨授詩每
誇吟句好常說與人知欲報師恩處來生向董帷

不受森羅聘高名動鬼神許完一生事應壽百年身胡

下玉樓召竟辭寰海塵心喪服三載請業向何人

道光辛丑

先生監修本村龍神祠工竣將懸鐘矣先生忽病口
作譖語家人問之答曰二十年廟無正神彼判官奉
冥王命請我爲正神然母老在堂安能爲神耶吾不
去矣逾日又來召益急車馬僕從以數百計塞滿庭
院判官卽以冠服加先生身先生怒叱之曰冥王何
憤憤豈不容人盡予職耶爾速復命卽云周某大事
畢當卽奉召必無辭判官
乃去自是不復至病亦愈

夏日訪任六維道中

策馬入巖壑蒸人暑氣煩河聲平野散雲影亂山奔峰
轉訝無路雞鳴知有村綠陰流水曲遙望識柴門

丙午

寄李榮林

漸脫清貧累知君頗晏如年豐婚嫁易身隱利名疎有
婦謀藏酒生兒教讀書能尋及時樂終歲守田廬
前年比鄰住情話兩家真好友那堪別故人猶共貧
青山長伴老白髮漸更新惆悵臨風憶相違又幾春

大水行

潮聲夜半作牛吼洶洶水打城根走晨起吏民奔上山

橫流已漫麟河口麟河之水從東來驚濤駭浪喧如雷
夾山阡隴盡淹沒馮夷鼓舞黎民哀哀鴻最慘臨河住
屋宇傾頽不知數童號婦啼呼救人漁舟來往飛如鶩
柴水西傾遼水流汪洋汎濫成滄洲憑高北望浩無際
東山漲接西山頭簷牙屋脊陷澤國黍梢禾杪撐扁舟
掀波魚鼈作水怪順流牛馬如浮鷗迴首西南平野曠
遼河下注尤奔放千村萬落皆水田西成更絕秋農望
龐眉父老心愴然咨嗟垂涕談當年曾經嘉慶廿三載
未若此水洪滔天曩昔一雨僅連日今累數月陰綿綿
溼薪斷竈馱糧缺窮廬比戶無炊煙况經三年數報潦

一秋稍稔難補偏

去歲少稔

而今又遭霖雨積欲逃此劫胡

生全我聞斯語長歎息力欲救民救不得徒思赤手挽
狂瀾何由拔出蛟龍國日日祈晴雨不晴還祈官長念
民生秋來且莫催科急請看流離赤子情

送繆伯鴻

長禧

還都門

前途飛木葉立馬望長安落日燕山遠秋風遶水寒還
鄉勝爲客別友甚辭官他日尋京國相逢話舊歡

送甘泉歸北平

客裏不知老蒼蒼兩鬢華相交如我輩忍別各天涯雪
擁關前路風吹塞上笳明年南雁返莫更戀貧家

丁未

晚眺

嫩黃疎柳點寒鴉
小小孤村落日斜
帘影不搖風乍定
晚煙飛出野人家

偶成

沿路敲詩忘路遙
詩成錯轉碧山腰
擡頭一笑翻知誤
不是來時舊板橋

自遣

中年困若此進退欲何爲
伏處少奇節寓懷無好詩
養生難絕粒諱老不留髭
作客十餘載清貧仍其隨

川上絕句

蓼花初瘦稻梁肥
秋水潮平落釣磯
隔岸有人呼買蟹
撐開艇子疾如飛

幾縷炊煙出水涯
綠陰深處有漁家
鄰村來往渾相識
出網新魚便可賒

樹障迴灘二里餘
沙明水淨午晴初
白鷗最是忘機鳥
閒立磯頭看釣魚

不必相逢問姓名
但能得酒換魚烹
大家痛飲無分別
醉倒蘆花臥月明

石橋望月

晚鐘初動野煙收
溪冷含冰水不流
貪看東山明月上
忍寒獨立石橋頭

曉行

曉起度寒溪
霜華滿大隄
林昏斜墮月
村靜亂聞雞
野徑少人蹟
征途有馬蹄
疎星向晨沒
落落板橋西

詠懷

平生無所好
所好亦獨異
蝸名蠅利途
奚煩役吾志
第
一山與水寰宇大
景致更有圖與書
古今美玩器受用
無盡藏况兼賞心
事喜讀漢魏詩
唐宋猶其次書不
愛
古人頗愛板橋字
獨能關法門陋劣
饒古意旁及金石

文蒐羅亦不棄結茅近巖谷取足風雨蔽花木繚庭垣
禽鳥噪晴霽塵囂不到耳將我此位置或吟或嘯歌時
隨興所至中有服役人通文必佳麗談吐亦風雅慧更
益人智探幽泉壑間偕行倍風趣覓句花月前並坐助
清思有時互唱酬往往闕新義不可視豔妻權作良朋
契清福與壽考願邀天所賜如斯享一生安知有人世
戊申

步月得句

自繞村溪步月行數行疎柳晚風輕寒鴉睡穩人無語
又聽山鐘打幾聲

野行卽景

春風暖無力晴野氣如煙人住嶺頭屋牛耕山背田向
陽新草發得雨早花燃驢上敲詩句行行漫著鞭

晚晴

雲破漏斜照回光滿水陂雨餘苗怒長風定柳低垂農
語歸村巷蛙聲沸野池晚煙凝不散前渡幾家炊

晚眺

幾點寒鴉鬧晚巢淡煙飛散柳塘坳小村風定月初上
無數野鐘人亂敲

卜居四首

卜築遠城郭移家深入山買田數十畝結屋兩三間僅
僕自耕鑿鄰人時往還荒村無剝啄門設不常關
寂寥人境外車馬不聞喧流水半園墅青山長在門間
耕過比舍訪友到前村偶作清談會榮枯總莫論
預作盤餐計須籌物理齊秋瓜寒在圃春韭早分畦近
水好畜鴨依山多養雞客來但謀醉斗酒問山妻
閉戶謝塵事吟詩成一家教兒還識字看女學栽花野
蕨收爲菜山梅采作茶閒披舊書讀消遣此年華

喜晤袁甘泉

薰風散炎暑庭樹無涼陰小齋晝眠起獨坐惟沉吟故

人忽然至千里來追尋握手恍疑夢悲喜交相深竝坐
道衷曲慰我飢渴心曠別已經歲苦憶無知音形容頓
癯瘦鬢髮驚霜侵何以老憊狀速變成如今人事嘆滄
桑歲月如過禽相逢不爲樂奚所暢懷襟呼僮快置酒
與君同一斟

情深意無盡刺刺語不休我聞一夕話破此終年愁袖
出哭舅詩血淚相和流情真語悲切此體君所優索我
去年稿讀之還綢繆中有奉懷作落月屋梁頭君當知
我心一日如三秋吾鄉數君子意氣非不投若論兩相
忘皆非君之儔究竟此何故爾我同黔婁

今年三月三是夜大風雪夢與君相逢握手敘離別言

在向海家

六維號
向海

情地殊真切仔細看鬚眉風塵面如

鐵新自故鄉來行裝尙未歇我云今日逢不同夢魂結
誰知夢中人猶自將夢說未明夢已醒此心倍淒絕雪
花打窗飛風力吹樹折起坐翦寒燈蕭條獨悲咽

好友如好色動作不肯離况當久違後乍見情尤癡平
生有所懷盡情傾吐之今年二月初攜家山中移買田
十餘畝倚壑結茅茨旣足蔽風雨又供饘粥炊養親竝
教子富貴非所期他年幸無累不願守門楣江山訪名
勝湖海搜英奇遨遊數十年翻然獨來歸置姬娛晚景

弄孫學含飴還訪舊時友存者皆龐眉如斯願已足不
負生有涯曠達本素志君意當何爲浩歌詩數篇存吾
兩人知

山居新舍落成再賦四章

移家岩壑選孤村爲愛青山日在門無力自營新屋構

督工全賴故人恩

六維代
爲監修

最宜是處安耕讀更望他年

長子孫何用別尋棲隱地此間風土卽桃源

亂石堆牆板作扉三間茅屋帶斜暉一條門巷成村落
幾處炊煙鎖翠微日暮牛羊皆識主雲中雞犬亦忘機
幽居消受清閒福不向人間問是非

辭去城南舊日莊舉家移住白雲鄉入山好奉雙親健
結屋應居數代長鄰里樸淳安我拙世途奔走笑人忙
近來學得逍遙法聊伴漁樵度景光

蒔花種樹待明春魏野家風愛隱淪我本無心同海客
生還有福作山人著書雖少猶誇富有子無多不算貧
豈敢逃名逢聖世依然草莽自稱臣

與張季宣 三德 秀才游棲雲洞

勝蹟傳聞久今來共客游草荒山洞古木落寺門秋不
雨雲常暝無僧佛更幽平臺坐南望惟見碧川流

夜起

涼風入簾幕獨起立中庭缺月矮離樹微雲疎漏星蛛絲當戶織蛩語隔離聽余本忘愁者偏催酒力醒

秋夜

開門見星斗斜月正西沉宿鳥懸棲樹鳴蟲寒在陰人聲鄰院寂燈火草堂深夜久重關閉惟將好夢尋

過蓮叟先師墓

黃壤新邱隴平岡古道邊荒燒山徑草寒拜墓門煙醑酒澆孤冢焚詩問九泉躊躇不能去立馬夕陽天

晚眺憶蕉園

秋色滿天地孤懷正渺然關河餘落日城郭在寒煙去

雁知何處離人又隔年相思日引領盼斷海南船

夜久不寐

滅燭防蚊集空堂夜氣深鼠窺人定出蟲對客愁吟窗
破招風入簾疎受月侵蕭然不成寐涼意逼孤衾

曉起野望

西風一夜大曉起復依然秋葉落平隴野雲飛滿天亂
鴉盤不下孤雁去無邊獨立高原望前村散曙煙

九日大風同袁甘泉張季宣登三塔山再游棲雲

洞慈覺寺

谷口風聲壯登臨絕頂觀平途放腳穩高處立身難河

赴平原走山隨大野蟠塵沙不可望龍首在雲端
下尋舊蘭若盤曲到山根落葉埋人徑殘花掩洞門殿
荒鐘亦廢客狎佛仍尊石壁留題處重來剔薜痕

暮秋閒眺

疎林黃葉脫次第見秋山高鳥入雲沒寒僧尋寺還
收耕犢放溪冷釣舟閒歲晚須歸臥柴扉盡日關

弔慈西橋先生墓

有序

先生諱士衡瀋陽人少有才名嘉慶庚午舉人
以教習官粵西知縣旋遷理徭通判援例引

見卒於河南道中時同鄉白宜庵

明易

刺史汝

州飲金送櫬并其眷屬入都先生門人張南池
主事鵬飛亦解囊厚助壬寅始歸奉天而妻妾
又復繼歿遺子不能營葬田賓玉秀才日瑣亦
先生及門也義而哀之爲之買地而並葬焉暇
日余登帽耳山訪先生之墓以詩弔之

徑訪先生墓西風上翠微一官隨死去萬里有魂歸荒
壟蔽秋草空山銜落暉不堪憑弔處黃葉繞人飛
旅櫬返鄉國長途賴故人妻隨歸亦歿身到死仍貧有
子愁窀穸無家問里鄰年年寒食節誰薦麥盂新

月夜同諸友人登南山

出村望平野月色澄且鮮浩然動逸興思造南山巔一
徑達岩谷屈曲高低懸我行不憚險奮勇開其先諸君
從而後次第相攀緣登峰詣絕頂四望何茫然盪胸落
星斗窮目迷山川劃然發長嘯驚起山魃眠孤鶻竄深
澗遠鴈鳴寥天北風忽生衣吹下山西偏歸來夜未半
野寺鐘猶傳隔樹望燈火明滅石橋邊

秋日書懷

門館寂無客閒庭空落暉風高鴉欲墮天遠雁愁飛寒
樹葉全脫故人書尙稀今年秋興減常與酒杯違

晚行原上

暝色高原合羣峰入渺茫寒煙沉大野遠燒下平岡人
影去將沒雁聲飛更長前村隔林薄葉落見燈光

巳酉

閒居雜興

客游二十年未得依桑梓今年賦閒居還山奉菽水高
堂幸康強轉懼翻成喜買田課弟耕餉饒督婦子勤動
有豐年入口無飢矣春雨况如期良苗新無比植杖聽
鳴鳩阡陌頻巡視日與農父談頗通桑麻理羣占麥有
秋窮閭免庚癸小村十餘家風俗頗淳美暇日置壺觴
歡飲招鄰里談笑無厭時共醉斜陽裏

庚戌 種蓮集附

春日漫興

東風又過百花朝
吹送春痕上柳條
殘雪半消冰在地
小溪初漲水平橋
高城落日寒吹角
深巷誰家夜品簫
曲罷未應橫笛和
怕勾鄉思最難銷

清明書感

東風惆悵惜年華
轉眼清明又別家
客裏無人堪對酒
愁邊逢雪當看花
吹竽濫厠侯門食
負米聊隨宦海槎
四十光陰如此過
可憐破硯是生涯

雨夜憶王雪樵

名乃新承德
秀才工詩

疎雨涼雲滿訟庭小窗獨坐夜冥冥身經入幕詩還退
愁到懷人酒易醒落魄如斯頭漸白憐才畢竟眼誰青
手披聽雨樓吟草讀到燈殘尙未停

聽雨樓詩
草雪樵著

孫景張

玉書

秀才生女索詩

忽得家書喜作悲五旬仍未夢熊羆老來多累還生女
客裏無錢省洗兒最怕人情強作賀轉疑天道似無知
曹娥欲弔翻成讖嬾進蒲觴酒數卮

端陽擬賦詩弔曹
娥忽得生女信

大風渡巨流河

車馬爭官渡風波勢正威晴沙吹岸走高浪潑船飛水
闊通商舶潮喧打釣磯停橈幸登陸安穩御輪歸

題永安橋

驅車此地舊曾過輪鐵常青苦未磨橋上行人橋下水
年年一樣共奔波

題任六維松鷹圖

秋風獵獵吹平皋秋霜氣肅晴空高蒼鷹顧盼養神銳
獨據虬幹聽松濤老松千年變龍甲參天百尺出塵囂
棲身不肯在草莽遺世獨立空羣豪豈屑附人受羈絆
茂陵年少皆兒曹倘遇風塵有其會逸氣便欲凌雲霄
矍鑠一揮目一瞬狐兔鳥雀皆驚逃斯稱將軍奮威武
凡禽一例休相嘲吾友任君善寫意神妙直欲追秋毫

彷彿齊王繪廳壁雄姿生動遺孤標脫逢支公愛神駿
亦思繫以雙絲條不然吾恐聳身入雲去乘風萬里將
翱翔

送王雪庵

拓

少牧回遼陽

初名允中字菊生
後更今名號拓園

車馬作行色前途冰雪寒幸能知魏野未忍別王丹遠
浦朔風疾高城斜照殘離亭一聲笛吹送暮雲端

呈彭星浦先生

先生名源保定人以孝廉司鐸吾邑年已七十

矣

尙有典型在先生古道持身貧爲客久年老得官遲多
士憑掄秀斯文賴起衰春風慚未坐孤負此心期